

Caiq Eu Re Binghraq

再唱防病毒

□ Vangz Gozgvanh / 黄国观

Ngoenzneix gou hwnjdaiz,
Caiq eu re binghraq,
Naeuz gak boux daihgya,
Re binghraq gaej dingz.

Gangj daengz re binghraq,
Dwg daihgya saehsoq,
Mbouj dwg naeuz gyajlox,
Bouxbox doq miz faenh.

Okdou aeu fungbak,
Gaej gangj ak gangj hung,
Haeuj ranz aeu swiq fwngz,
Daengx gyungq(gyoengq) boux-
boux hengz.

Gak boux youq gak dieg,
Lumj miz sieg gek bae,
Danghnaeuz miz maz saeh,
Veihsin ndaej doxyaeng.

Dawz vunz guh gaenbonj,
Dangj son raeuz yienghneix,
Yaek naemj yienghyiengh ndei,
Aeu meiz(miz) vunz gaxgonq.

Danghnaeuz ngaenz mbouj miz,
Gojlij ndaej bae ra,
Danghnaeuz vunz dai gvaq,
Gijmaz cungj mbouj miz.

Bi' gvaq daengz bineix,
Raeuz seizseiz fuengzre,
Binghdoeg dangq fangzgeq,
Aeu re ndei cij ndaej.

Yienznaeuz dajcim gvaq,
Binghraq lij youq henz,
Gij binghdoeg neix geng,
Baez deng couh lah vunz.

Dingq dangj daeuj cijveih,
Gaejlaeg ngeix gvaq vang,
Dangj hawj raeuz ndangcangq,
Raeuz wngdang dingq gangj.

Miz dangj daeuj lingjdauj,
Raeuz mbouj lau binghraq,
Cijaeu dingq dangj vah,
Aeu binghraq neix mied.

Fuengzre Binghraq Sinhgvanh Feiyenz Mbouj Ndaej Soeng

预防新冠肺炎不松懈

□ Suh Dazcin / 苏达进

Binghraq gyuek ndaej vaiq,
Daiq hawj caihaih daih,
Caezgya mbouj yietnaiq,
Itheij caiq fuengzre.

Binghraq youh fuk daeuj,
Raeuz aeu haeujsim daih,
Cungj riengz dangj raeuz byaij,
Vunzlai maij youh haenh.

Fuengzre yisiz giengz,
Yienghyiengh ndaej huzswnh,
Seiqgyaiq bouxboux haenh,
Gwndaenj cungj mbouj you.

Aen dieg deng binghraq,
Couh gaenj caz gaengoeq,
Cwngfuj guh mbouj loek,
Ra daengz goek caeuj byai.

Youz dieg rog dauqma,
Guenj song ga cijndaej,
Gag gekliz swngeij,
Fuengzre geiq ndawsim.

Daj dieg rog haeuj ma,
Song ga cungj aeu guenj,

Dauqcawq youz mbouj duenh,
Dangh gyuek sonjsaet lai.

Bae gyawz cungj yienj max,
Max saekloeg cij haeuj,
Bouxbox aeu guh daeux,
Mbouj ndaej yiemz saeh fanz.

Mbouj sim you sim fanz,
Caem youq ranz couh baenz,
Binghdoeg da mbouj raen,
Deng lah caen mbouj rox.

Vih aenndang swngeij,
Haeujsim mbouj guh loeng,
Swhsiengj mbouj cuengqsoeng,
Hoengq mbouj comz guh' angq.

Gyoengqvunz yaek dingq gangj,
Binghdoeg bangq youq rog,
Mbouj caezbient haeuj ok,
Daengzcog bingh mbouj lah.

Lwgminz sim coh dangj,
Angqyangz gvaq ndwenngoengz,
Caez caeuj binghraq hoenx,
Binghraq dingh deng mied.



“Hahaha……”

Aulungzgeiz sawqmwh riuhaha
hwnjdaej, sing beij sing baihrog
fwndoek lij coegrwz ne.

Gou diemheiq diddid, youq
ndaw laep lumjnaeuz yawjraen song
lwgda Aulungzgeiz heumyanmyan,
hawj gou bwndauz daengx ndang
daengjcwew.

Caeklaiq, Aulungzgeiz riu le
yaep ndeu, fwt daengx roengzdaej lo,
song fwngz ca mbaq gou, ngaeq naeuz:

“Cingj mwngz lwnh gij goj gou
hawj daiq mwngz. Geiq ndaej lwi?
Lauheiq gou gangj mbouj cingcuj.”

“Gou ndaej geiq.” Gou doq dap-
wngq, youq ndaw gyanghaemh laep-
saksak neix, caen yousim Aulungz-
geiz yaek fatbag, nyaenj gou dai bae.

“Hojsik!” De soeng fwngz, dauq-
laeng yamq ndeu, gangjgvege,
“mbouj miz laeuj lo.”

“Mwngz gaenq gwn moengj laeuj
lo.” Gou lau de caiq gwn laeuj, laeuj

·Sawcuenhraz Lwngyez·

Gij Golwngyez Henz Dahhoengz

红水谣

□ Lanz Haijyangz Moz Beibei / 蓝海洋 莫蓓蓓

fiz mbouj dwg maz saehndei bw.

“Hojsik nohngwz hix caep lo.”

“Gwn gaiq gau gou dawz daeuj
ba! Dwg daxmeh gou naengj ne!” Gou
raeuqmbaeu naeuz.

“Deng, lij miz gaiqgau ne! Caen
gyo' mbaiq daxmeh mwngz lo!”

De youq ndaw laep lumh ndaej
gaiqgau, gou ndaej nyi gij sing de
gaemz hung nyaij.

“Aulungzgeiz, yienghneix daeuj
gangj, mwngz caen dwg vunzndei lo?”
Gou youq ndawuk dauqngex gij
saehgonq haxbaenh de gangj. Mbouj-

danh doengzcingz de, caemhcai engq
gingq de fug de, “mwngz vihmaz
mbouj caeuj caezgya gejnaeuz ne?
Mwngz dwg vunzndei ha, hawj
bouxwnq gangj baenz vunzrwix, ien-
uengj fouzbeij!”

“Ien' uengj? Hw! Lajmbwn
mbouj miz gij saeh ndeindupndup bw.
Ah Byauh, mwngz lij iq, mbouj rox,
caj mwngz majhung le couh rox lo.”

Gou lumjnaeuz roxyiuj maz nei,
ndawsim miz di mbouj fug, gizsaed
gou nyinhnaeuz bonjfaenh gaenq
mbouj iq lo, hoeng gyoengq vunzhang

cix cungj yawj gou guh lwngyez. Cungj
gangj gijneix mwngz mbouj rox,
gijhaenx mwngz hix mbouj rox,
baenzlawz ndaej mbouj rox ne? Lumj
aen goj Aulungzgeiz gangj neix,
ngamq hainduj, gou couh dingq ndaej
ok Lungz Byauh boux boihseiz haenx
couh dwg de. Sawqmwh, gou ngeix ok
aen cawjeiq ndei he daeuj.

“Mwngz vihmaz mbouj caiq bae
Yanghgangj ne? Caiq bae aen ngaenz-
hangz haenx guhhong, cungj beij gwq
maeuj youq gizneix ndei ha.”

(caengz sat)